

海

運

續

案

為咨行事查海船自南赴北總以夏令以前為宜所
有明年蘇松糧道所屬漕白糧海運比較道光二十
八年米數尤多更宜趕緊籌辦相應飛咨兩江總督
江蘇巡撫漕運總督嚴飭承辦海運各員於驗收裝
兌一切事宜務須提前趕辦一俟裝兌齊全即飭看
定風色催令放洋長行連帆北上以期四月以前悉
數抵津早達

天庾事關重大該督撫等自必迅速辦理及早嚴事慎勿
稽遲於事前貽誤於事後致令京糈重項或有意外
之虞可也

卷三

咸豐元年十二月十二日浴

為咨行事查白糧一項係供

內廷及光祿寺等項應用理宜倍加慎重向俱裝載麻袋堆架船艙以便透氣免致發熱霉變道光二十八年辦理海運內白糧一項及本年白糧海運均係如此辦理所有明年蘇松糧道所屬白糧海運自宜遵照妥辦相應飛咨兩江總督江蘇巡撫轉飭承辦各員諄切曉諭各該商船務將白糧全裝麻袋堆架船艙毋得散放在艙致令氣鬱不宣發熱變色儻有疎率以致抵津交收掣肘往返駁換惟承辦各該員是問事關

內廷應用萬勿稍存大意可也
咸豐元年十二月十二日咨

為咨行事本部於道光二十七年十一月議覆海運
捐內欽奉

上諭所有道光二十八年蘇州松江太倉二府一州漕白糧
米改由海運其漕糧米石務令完交一色乾潔粳米不准
稍有撓襟白糧一項亦著普律乾潔等因欽此欽遵辦理
在案查蘇松糧道所屬漕糧例應兌收乾圓潔淨一律
粳米迥非捐輸米石秈粳並納可比白糧一項尤宜
乾潔若有色質柔嫩及秈米撓雜臨時駁換則往返
耽延遷就入倉則不堪儲蓄所有明年蘇松糧道所
屬漕白糧米海運務須兌交一色乾潔之米不准稍

有柔嫩撓雜致令抵津文收掣肘相應飛咨兩江總督江蘇巡撫漕運總督嚴飭所屬實力奉行儻經徵州縣及監兌各官稍有疎率不免柔嫩潮潤及私糠撓雜祇有奏明駁換立飭補運並將經徵及監兌各員嚴行叅處其水腳銀兩即著落該員等照數賠補斷不能將就起卸至江蘇應解天津用款並令先期解交天津道庫豫備剝價等項之用萬勿遲誤可也

咸豐元年十二月十二日咨

為咨明事成豐二年二月初一日准總督倉場咨據
坐糧廳呈稱查道光六年海運案内經戶部議准照
置袋例添置口袋五萬條木斛一百隻均於通庫輕
齎項下給發以備帶津露囤起卸應用事竣報部覈
辦在案迨道光二十八年海運蒙前任堂台接准戶
部咨照道光六年成案仍添置口袋五萬條舊存木
斛一百隻因歷年久除尚堪修整者十五隻餘俱虧
朽請添造八十五隻以備應用亦在案但本年海運
四府一州漕白米數較多倘遇蜂擁而來勢必在津
露囤尤須多備口袋方免貽誤職等再四籌畫惟有

仍照上兩層成案添置口袋五萬條以備急需請祈
堂台鑒覈示遵俾得預為趕辦等情前來查上層海
運案內循照舊章添置口袋五萬條未辦露囤均未
動用現在通濟庫經費支絀亦應撙節所有此次海
運循例添置口袋一節擬以毋庸脩辦是否可行相
應咨明本部查照等因前來

查上兩層海運案
內添置口袋五萬條以備帶津露囤起卸應用均因
起卸露囤事涉紛繁未經舉行是以口袋均未動用
本屆辦理海運既據倉場咨稱現在經費支絀亦應
撙節所有循例添置口袋一節擬以毋庸脩辦等語

自係為樽節經費起見應如所咨辦理惟露囤既未
豫籌剝運尤宜迅速查二十八年正月本部議覆直
隸總督籌議海運事宜一摺內稱剝船抵通交卸按
照海運每日起米章程計算每四萬石不過一日即
可起卸清完通填誠能一列即驗一驗即收則剝船
得以迅速回空輪轉裝載自不致有剝運不及之虞
等因遵辦在案應仍咨倉場諄飭坐糧廳於剝船抵
通之時務即趕緊驗收俾剝船迅速回空藉資周轉
不得稍有稽遲積壓以致臨時周章貽誤漕務可也
咸豐二年二月初七日咨

江蘇巡撫楊文定為詳請咨明事據署蘇州布政使
岳興阿署蘇州按察使吳葆晉蘇松督糧道倪良燿
蘇松太道吳健彰會詳稱竊照蘇省今屆咸豐元年
漕白糧米議行海運所有赴津交米事宜現奉奏派
職糧道前往經理其在津辦理一切文移應即以道
印帶往鈐用隨帶經理之候補知府洪玉珩候補同知
王家佩朱鈞梁逢辰候補知縣吳煦並隨帶赴津差
遣之糧道庫大使徐森培金匱縣主簿王汝金周莊
司巡檢何本忠候補道庫大使魯鴻飛蘇州府知事
孫承履候補布經歷高鏡涵等循照上屆道光二十

七年成案飭令各刊正字鈴記印用以昭信守相應具文詳候咨明倉場各部直隸督院查照等情到本部院據此除分咨外相應咨達為此合咨貴部請煩查照施行須至咨者

咸豐二年二月二十一日到

為飛咨事本部查二月二十一日由內閣抄出直隸
總督片奏派委道員駐津會辦海運緣由一摺內稱
南糧海運曾有奏定章程上屆即係循照舊章並無
應行變通之處等語查本屆海運江蘇督撫酌定辦
理章程摺內奏稱上屆剝船食米係給發折色經紀
耗米係收買沙船餘米本屆海運應請備帶本色等
語經本部議准並聲明剝船經紀如有分賠之案經
紀項下例在於耗米內計除其剝船項下作何辦理
之處應令直隸總督諄囑詳查妥議務使未歸有著
不准顆粒延欠等因奏准並行知在案現在尚未據該

督將剝船項下若有應賠米石如何詳查妥議俾歸
有著之處詳細報部相應飛咨直隸總督迅將剝船
項下妥議章程報部查核以便移咨

欽差驗米大臣查照辦理毋任疎忽於事前周章於事後
並劄行天津道可也

咸豐二年二月二十六日咨

江蘇巡撫楊文定為詳請事據署蘇州布政使岳興
阿詳稱竊照蘇松常鎮太五府州屬咸豐二年海運
元年分漕白糧米遵

旨籌議改由海運業經援案酌提向年給幫津貼作為南
北一切經費以備支用并籌議運解章程詳蒙派委
蘇松糧道前往天津督辦交米事宜一併具

奏在案現准蘇松糧道來咨查上屆海運舊章除輕齋
由閘竹木等項照例由道批解外其餘天津官撥民
撥雇價及通倉經紀夫役飯食等項均由蘇省籌備
解交天津道庫由江蘇交米委員會同直隸委員按

照起運米數分別支應此次、

奏明照案辦理惟道倉應給個兒錢一款向由本道衙門在於旂丁領款內扣存交總運廳員帶解赴北本與輕齋由開竹木等款無異應請仍照河運章程由本道自行領解轉給外其餘撥價等款約需京平銀一十三萬兩咨請分批解儲天津道庫蚤日起程北上俟到津後會同直隸省委員查照例案支用等因前來查有委赴天津聽候差遣人員堪以即飭管解茲本署司擬派金匱縣主簿王汝金領解第一批銀四萬四千兩九四折實銀四萬一千三百六十兩計

裝四十一鞘蘇州府知事孫承履領解第二批銀四萬三千兩九四折實銀四萬四百二十兩計裝四十鞘候補道庫大使魯鴻飛領解第三批銀四萬三千兩九四折實銀四萬四百二十兩計裝四十鞘統共銀一十三萬兩九四折實銀一十二萬二千二百兩前赴天津道衙門交收備用除劄飭該員等赴司領銀起解外相應由司填具蘇字一千四十二三四號司批三張呈送掛號繕具兵牌捐牌劄文一併飭發以憑轉給齎解並請飛移直隸總督山東撫院飭行沿途營汎州縣派撥妥幹員弁選撥勁兵加謹護送

其應用勘合現移舉司衙門填用合併聲明除分別
給文委員王汝金等飭令解赴天津道查收外相應
咨明為此合咨

貴部請煩查照施行須至咨者

咸豐二年二月十七日到

為詳請事咸豐二年二月二十七日准江蘇巡撫楊
文定咨據署蘇州布政使岳興阿詳稱竊照蘇松常
鎮太五府州屬咸豐二年海運元年分漕白糧米遵
旨籌議改由海運業經掣案酌提向年給幫津貼作為南
北一切經費以備支用並籌議運解章程詳蒙派委
蘇松糧道前往天津督辦交米事宜一併具奏在案
現准蘇松糧道來咨查上屆海運舊章除輕費由開
竹木等項照例由道批解外其餘天津官剥民剥雇
價及通倉經紀夫役飯食等項均由蘇省籌備解交
天津道庫由江蘇交米委員會同直隸委員按照起

運米數分別支應此次奏明照案辦理惟通倉應給
個兒錢一款向本道衙門在於旗丁領款內扣存交
總運廳員帶解赴北本與輕費由關竹木等款無異
應請仍照河運章程由本道自行領解轉給外其餘
剝價等款約需京平銀一十三萬兩咨請分批解儲
天津道庫早日起程北上俟到津後會同直隸省委
員查照例案支用等因前來查有委赴天津聽候差
遣人員堪以即飭管解茲本署司擬派金匱縣主簿
王汝金領解第一批銀四萬四千兩九四折實銀四
萬一千三百六十兩計裝四十一箱蘇州府知事孫

承履領解第二批銀四萬三千兩九四折實銀四萬
四百二十兩計裝四十鞘候補道庫大使魯鴻飛領
解第三批銀四萬三千兩九四折實銀四萬四百二
十兩計裝四十鞘統共銀一十三萬兩九四折實銀
一十二萬二千二百兩前赴天津道衙門交收備用
除劄飭該員等赴司領銀起解外相應由司填具蘇
字一千四十二三四號司批三張呈送掛號繕具兵
牌捐牌劄文一併飭發以憑轉給費解並請飛移直
隸總督山東撫院飭行沿途營汛州縣派撥妥幹員
弁選撥勁兵加謹護送其應用勘合現移臬司衙門

填用合併聲明除分別給文委員王汝金等飭令解
赴天津道查收外相應咨明等因前來 相應移
行驗米大臣直隸總督總督倉場並劉行天津道查
照可也

咸豐二年三月初三日咨

貴州司為呈請事咸豐二年二月十八日據山海關
監督哈當阿呈稱本年二月接准江蘇巡撫咨據上
海海運總局委員詳稱商船郁森盛等稟稱道光六
年籌辦海運准帶二成貨物緣直隸天津口向無大
賈貿易未能悉數銷售須轉往奉天牛莊口易貨奏
明免稅迨上屆二十八年海運漕糧上海出口免稅
悉照六年成案惟抵津卸米即奉押出所有准帶二
成免稅貨物仍須轉往奉天及船抵牛莊報關查驗
據胥役聲稱未奉明文免稅仍應完納現屆又奉海
運商等值差承運而准帶二成免稅貨物仍轉往奉

天易貨第恐該關胥役藉稱未奉明文推諉羈延不堪侍候求請核咨示諭等情到局據此理合具文分咨山海關出示曉諭等情到院據此相應知會山海關監督查照覈辦等因查道光六年海運係該省奏准免稅並給有運米商船護照黏單聲明免其二成之稅又復奉有部文是以免其納稅復查道光二十八年海運亦係該省奏請因未奉有部覆又運米商船並無確據黏單所有免稅二成仍照例徵收今該省既未奏准又未奉到部文未敢率行據咨擅准免稅且該商承運南糧又不將二成貨數呈請給發照

單意存取巧藉此影射偷漏如商船應行免稅祈即
指示如有護照黏單商船免其納稅如無護照黏單
仍應一體納稅明文示復俾得有所遵循至於未奉
部文以前各口船隻謹擬援照道光二十八年成案
先行一體徵收俟奉到部示再為遵辦伏乞查照示
覆等因前來查道光六年海運漕糧前經兩江總督
奏請每船准其八成載米酌留二成搭載貨物並由
海關查明免稅放行計數請豁稅額但不得過二成
之數其自關東運豆回南仍照例輸稅以重關課又
於二十八年兩江總督李星沅片奏商船二成載貨

由海關查明免稅計數請豁稅額聲明係裝米千石
准帶貨二百石論石而不論價如有二成以外之貨
在天津銷售則在天津納稅在關東銷售則在關東
納稅歷經遵辦在案今據山海關監督呈稱查道光
六年海運係該省奏准免稅並給有運米商船護照
黏單是以免其納稅今該商承運南糧應否免稅呈
請部示等因當經付查雲南司去後現據雲南司覆
稱此次海運係照道光二十八年海運章程辦理二
十八年係照道光六年章程辦理至商船護照係由
蘇省自行給發等語查道光六年暨二十八年海運

商船八成載米二成載貨均准其免稅此次辦理海運自應仍照舊章辦理應飛咨兩江總督江蘇巡撫出示曉諭即於該商等起運時查照道光六年成案發給護照黏單以憑山海關查驗並劄行山海關監督遇有該商船到口即驗明護照將裝載二成貨物免稅放行如有二成以外之貨仍照例納稅並嚴禁胥役人等不得留難勒索致誤再運再查海運案內經過各關免徵稅課均准其作正開除歷經奏准有案此次山海關免過二成貨物稅數亦應准其作正開除仍令該監督於奏報關滿稅數摺內聲明辦理

並將免過稅銀數目造具細冊專案送部查核並付
知雲南司可也

咸豐二年三月十一日到

為知照事咸豐二年三月十一日准貴州司將山海關呈稱江蘇運米沙船轉往奉天牛莊口易貨應否免稅呈請部示一案辦結付知前來除應行各處由貴州司自行知照外相應抄錄原案飛咨驗米大臣查照可也

咸豐二年三月十三日飛咨

為飭查事前於咸豐二年三月初四日據天津鎮道
等呈報海運沙船一隻於本月初一日駛抵大沽海
口攔江沙外即於是日乘潮進口等因當經本部覈
辦在案迄今十有餘日未據續報進口船隻相應飛
劉天津鎮道即飭查明現在有無續到沙船迅速報
部以憑查覈嗣後如有沙船抵津隨到隨報不必拘
定五日彙報可也

咸豐二年三月十五日咨

直隸總督訥爾經額為會議詳覆事據布政使陳啟
邁清河道譚廷襄天津道張起鵠會呈稱蒙太子太
保協辦大學士兵部尚書直隸總督部堂訥

劄

開咸豐二年二月二十七日准戶部咨雲南司案呈
本部查二月二十一日由內閣抄出直隸總督片奏
派委道員駐津會辦海運緣由一摺內稱南糧海運
曾有奏定章程上屆即係循照舊章並無應行變通
之處等語查本屆海運江蘇督撫酌定辦理章程摺
內奏稱上屆剝船食米係發給折色經紀耗米係收
買沙船餘米本屆海運應請備帶本色等語經本部

議准並聲明剝船經紀如有分賠之案經紀項下例在於耗米內計除其剝船項下作何辦理之處應令直隸總督諄囑詳查妥議務使米歸有著不准顆粒延欠等因奏准並行知在案現尚未據該督將剝船項下若有應賠米石如何詳查妥議俾歸有著之處詳細報部相應飛咨直隸總督迅將剝船項下妥議章程報部查覈以便移咨

欽差驗米大臣查照辦理毋任疎忽於事前周章於事後並飭行天津道可也等因咨行到職道天津道移會到本司布政司職道清河道蒙此遵查本年戶部議

覆江省具奏蘇松等屬漕白糧米全由海運酌定章程原摺內載此次漕糧抵津仍照舊章由驗米大臣會同倉場坐糧廳直隸江蘇各委員眼同查驗明確如係好米即由坐糧廳取具該經紀米色乾潔米數無虧切結督令斛收由經紀自派親信妥人押運交倉如剝船在路有偷漏攙和等弊立即稟知押運員弁拏交州縣責令剝船賠補治以應得之罪如經紀索費不遂故縱使水偷漏然後稟明洩忿及通同作弊分肥隱匿不稟經押運委員查出或別經發覺應責令經紀剝船分成賠補並各治以應得之罪等語

是剝船偷漏挽和經紀查出稟明員弁則罪在剝船
如經紀索費不遂故縱使水偷漏然後稟明洩忿及
通同作弊分肥隱匿不稟經押運員弁查出或別經
發覺則罪在經紀兼在剝船界限清晰遇有分賠之
案經紀剝船不容稍有諉卸至於米因盤量折耗經
紀剝船均無弊竇應行作何辦理之處雖未議及而
溯查道光六年戶部議覆前督院那 籌議剝運事
宜內載漕米落艙起岸折耗在所不免剝船戶並無
弊混該經紀人役不得藉詞勒措又議覆前倉場總
督百 議奏起卸章程內載向年北倉截卸漕糧每

米一石給耗米一升海運漕糧或對船起卸或過斛
搬抗折耗較多准於每石一升之外酌添耗米五合
白糧每石准給耗米一升八合各等語蓋由津運通
較北倉稍遠是以增給耗米藉資彌補此次海運江
省議奏剝船經紀食耗等米備帶本色一條亦稱經
紀耗米係備赴通折耗之需是折耗有米可補無虞
短絀第剝船戶人等無弊不作若不明定章程必致
藉口折耗以掩其偷漏之弊本司道會同悉心覈議
擬請此次海運漕白糧米由津赴通如實因對船起
卸過斛搬抗致有折耗剝船戶並無弊混漕白糧米

每石所短之米未逾一升五合及一升八合之數即
在經紀耗米內扣抵倘漕米每石短米在一升五合以
上白糧每石短米在一升八合以上除以應得耗米
扣抵之外下短米石應即遵照部議如係剝船偷漏
攬和經紀查出稟明押運員弁則責令剝船賠補並
治以應得之罪如經紀索費不遂故縱使水偷漏然
後稟明洩忿及通同作弊分肥隱匿不稟經押運委
員查出或別經發覺則責令經紀剝船各半分賠並
各治以應得之罪經紀剝船分賠之米分別著追交
倉不許顆粒延欠抑本司道更有請者剝船戶類皆

無業貧民與其追賠於事後致費周章不若慎重於
事前期有把握二十八年海運業內剝船分賠短米
將船戶遞回天津懲處者均照數在於船戶名下追
繳其發交通州及解送刑部治罪之船戶均因無憑
追繳由直隸海運總局賠補受累非輕伏查剝船戶
於應得剝價之外每百石另給本色食米一石一斗
五升較有盈餘應請將船戶所得食米於剝船內另
倉存放抵通後正米無虧准其將食米領用如有分
賠米石即令該船戶以食米補交免致事後追繳為
難若以食米補交之外仍有不敷即將剝船戶發回

天津由職道等照例分別治罪並在於船戶名下追
繳米石運通交倉務期賠米有著正供無虧所有會
議緣由是否允協擬合詳請查覈俯賜咨部覈覆遵
行實為公便等情到本閣督部堂據此相應咨明為
此合咨貴部煩請查照覈覆施行須至咨者

咸豐二年三月十五日到

為詳覆事咸豐二年三月十五日准直隸總督訥爾
經額咨據布政使陳啟邁清河道譚廷襄天津道張
起鵬會呈稱蒙准部咨直隸總督片奏派委道員駐
津會辦海運緣由一摺內稱南糧海運曾有奏定章
程上屆即係循照舊章并無應行變通之處等語查
本屆海運江蘇督撫酌定辦理章程摺內奏稱上屆
剝船食米係發給折色經紀耗米係收買沙船餘米
本屆海運應請備帶本色等語經本部議准并聲明
剝船經紀如有分賠之案經紀項下例在於耗米內
計除其剝船項下作何辦理之處應令直隸總督諄

囑詳查妥議務使米歸有著不准顆粒延欠等因奏
准并行知在案現尚未據該督將剝船項下若有應
賠米石如何詳查妥議俾歸有著之處詳細報部相
應飛咨直隸總督迅將剝船項下妥議章程報部查
覈以便移咨

欽差驗米大臣查照辦理等因咨行到職道天津道移會
到本司布政司職道清河道蒙此遵查本年戶部議
覆江省具奏蘇松等屬漕白糧米全由海運酌定章
程原摺內載此次漕糧抵津仍照舊章由驗米大臣
會同倉場坐糧廳直隸江蘇各委員眼同查驗明確

如係好米即由坐糧廳取具該經紀米色乾潔米數
無虧切結督令斛收由經紀自派親信安人押運交
倉如剝船在路有偷漏攪和等弊立即稟知押運員
弁拏交州縣責令剝船賠補治以應得之罪如經紀
索費不遂故縱使水偷漏然後稟明洩忿及通同作弊分
肥隱匿不稟經押運委員查出或別經發覺應責令
經紀剝船分成賠補并各治以應得之罪等語是剝
船偷漏攪和經紀查出稟明員弁則罪在剝船如經
紀索費不遂故縱使水偷漏然後稟明洩忿及通
同作弊分肥隱匿不稟經押運員弁查出或別經

發覺則罪在經紀兼在剝船界限清晰遇有分賠之
案經紀剝船不容稍有諉卸至於米因盤量折耗經
紀剝船均無弊竇應行作何辦理之處雖未議及而
溯查道光六年戶部議覆前督院那 籌議剝運事
宜內載漕米落艙起岸折耗在所不免剝船戶並無
弊混該經紀人役不得藉詞勒措又議覆前倉場總
督百 議奏起卸章程內載向年北倉截卸漕糧每
米一石給耗米一升海運漕糧或對船起卸或過斛
搬抗折耗較多准於每石一升之外酌添耗米五合
白糧每石准給耗米一升八合各等語蓋由津運通

較北倉稍遠是以增給耗米藉資彌補此次海運江
省議奏剝船經紀食耗等米備帶本色一條亦稱經
紀耗米係備赴通折耗之需是折耗有米可補無虞
短絀第剝船戶人等無弊不作若不明定章程必致
藉口折耗以掩其偷漏之弊本司道會同悉心覈議
擬請此次海運漕白糧米由津赴通如實因對船起
卸過斛搬抗致有折耗剝船戶並無弊混漕白糧米
每石所短之米未逾一升五合及一升八合之數即
在經紀耗米內扣抵倘漕米每石短米在一升五合
以上白糧每石短米在一升八合以上除以應得耗

米扣抵之外下短米石應即遵照部議如係剝船偷漏攙和經紀查出稟明押運員弁則責令剝船賠補並治以應得之罪如經紀索費不遂故縱使水偷漏然後稟明洩忿及通同作弊分肥隱匿不稟經押運委員查出或別經發覺則責令經紀剝船各半分賠並各治以應得之罪經紀剝船分賠之米分別著追交倉不許顆粒延欠抑本司道更有請者剝船戶類皆無業貧民與其追賠於事後致費周章不若慎重於事前期有把握二十八年海運業內剝船分賠短米將船戶遞回天津懲處者均照數在於船戶名下

追繳其發交通州及鮮送刑部治罪之船戶均因無
憑追繳由直隸海運總局賠補伏查剝船戶於應得
剝價之外每百石另給本色食米一石一斗五升較
有盈餘應請將船戶所得食米於剝船內另艙存放
抵通後正米無虧准其將食米領用如有分賠米石
即令該船戶以食米補交免致事後追繳為難若以
食米補交之外仍有不敷即將剝船戶發回天津由
職道等照例分別治罪並在於船戶名下追繳米石
運通交倉務期賠米有著正供無虧擬合詳請查覈
咨部覈覆等情相應咨明等因前來 查江蘇咸

豐二年海運漕白糧米前據直隸總督附奏派委道員駐津會辦摺內聲稱南糧海運曾有奏定章程上屆即係循照舊章並無應行變通之處經本部以本屆海運江蘇督撫酌定辦理章程摺內奏稱上屆剝船食米係發給折色經紀耗米係收買沙船餘米本屆海運應備帶本色經本部議准並聲明剝船經紀如有分賠之案經紀項下例在耗米內計除其剝船項下作何辦理行令直隸總督諄飭詳查妥議章程報部覈辦在案今據直隸總督咨稱此次海運漕白糧米由津運通如實因對船起卸過斛搬抗致有折

耗剝船戶並無弊混漕白糧米每石所短未逾一升
五合及一升八合之數即在經紀耗米內扣抵倘漕
白糧米所短均逾應得之數除以應得耗米扣抵外
下短米石如係剝船偷漏經紀查出稟明押運員弁
責令剝船賠補如經紀索費不遂故縱使水偷漏然
後稟明洩忿或通同作弊分肥隱匿不稟經押運委
員查出或別經發覺責令經紀剝船各半分賠並各
治以應得之罪分賠之米分別著追交倉並請將剝
船每百石應得本色食米一石一斗五升於剝船內
另艙存放抵通後正米無虧准其將食米領用如有

分賠即令該船戶以食米補交如仍有不敷將剝船戶發回天津分別治罪著追運通交倉務期賠米有著正供無虧等語查海運漕白糧米由津運通剝船如有應賠之項既據該督妥議章程詳細報部應如所咨即飭該道等將剝船食米另艙存放俟抵通時正米無虧方准領用如有應賠米石即將食米補交若再不敷除發回該道照例治罪外仍將所虧米石由該道追繳足數以重倉儲惟所稱剝船起卸漕白糧米每石未逾一升五合及一升八合之數即在經紀耗米內扣抵之處本部查耗米一項本係經紀領

用留抵折耗之需抵有盈餘留補掣欠上屆業已辦理在案至剝船戶剝價之外本有食米一項今以剝船所虧短從經紀應得之耗米內扣除若經紀有虧短又將何以抵補所咨殊未允協且查歷屆海運并無經紀為剝船代扣之案應仍咨該督即飭遵照上屆成案認真辦理如剝船戶並無弊混該經紀人役不得藉詞勒指如實有攬和偷漏等弊即遵照上屆分賠獨賠之案覈實追補總期米歸有著正供無虧是為至要并飛咨

欽差驗米大臣查照暨知照總督倉場飛劄清河天津道

可也

咸豐二年三月十九日

江蘇巡撫楊文定為詳請咨明事據署蘇州布政使
岳興阿詳稱竊照蘇省咸豐二年海運元年分漕白
糧米案內赴津交兌事宜前蒙

奏派蘇糧道隨帶候補知府洪守等前往經理其在津
辦理一切文移應否即以道印帶往鈐用抑照歷屆
海運成案仍由司庫借給押運關防并隨帶各員是
否循案毋須另刊鈐記之處當經本署司會同各司
道詳請彙示分咨奉以俛道赴津即以道印帶往鈐
用隨帶各員照案各給鈐記現經據詳分咨等因批
飭遵照在案茲奉會劄蘇糧道篆務查有署臬司吳

葆晉堪以兼署並經蘇糧道稟奉院臺批司即將庫儲押運關防一顆速即委員賫送倪道祇領一面叙詳請咨等因各到司奉此本署司伏查蘇糧道篆務既蒙另委臬司兼署其倪糧道赴津辦理文移自應仍用押運關防隨帶各員毋須另刊鈐記除行知各委員遵照並將庫儲蘇州府押運關防一顆於二月十四日委員賫送倪道祇領行用外相應詳候咨明

吏部暨

戶部暨
欽派驗米大臣并

倉場部堂查照實為公便等情到本部院據此除分直隸督院

咨外相應咨達為此合咨

貴部請煩查照施行須至咨者

咸豐二年三月二十五日到

為詳請咨明事咸豐二年三月二十五日准江蘇巡撫楊 咨據署蘇州布政使岳興阿詳稱竊照蘇省咸豐二年海運元年分漕白糧米業內赴津交兌事宜前蒙奏派蘇糧道隨帶候補知府洪守等前往經理其在津辦理一切文移應否即以道印帶往鈐用抑照歷屆海運成案仍由司庫借給押運關防並隨帶各員是否循案毋須另刊鈐記之處當經本署司會同各司道詳請覈示分咨奉以倪道赴津即以道印帶往鈐用隨帶各員照案各給鈐記現經據詳分咨等因批飭遵照在案茲奉會劄蘇糧道篆務查

有署臬司吳葆晉堪以兼署並經蘇糧道稟奉院臺批司即將庫儲押運關防一顆速即委員齎送倪道祇領一面敝詳請咨等因各到司奉此本署司伏查蘇糧道篆務既蒙另委臬司兼署其倪糧道赴津辦理文移自應仍用押運關防隨帶各員毋須另刊鈐記除行知各委員遵照並將庫儲蘇州府押運關防一顆於二月十四日委員齎送倪道祇領行用外相應詳候咨明吏部暨驗米大臣並總督倉場直隸總督查照實為公便等情除分咨外相應咨達等因前來

相應移咨吏部驗米大臣總督倉場直隸總

督並劉行清河天津二道查照可也

咸豐二年三月二十九日咨

直隸總督訥 為詳咨事據布政使陳啟邁呈稱

據天津縣詳稱咸豐二年三月初三日蒙坐糧廳
甌 牌開為飭知事照得海運漕白糧石瞬抵天津
茲本部定於三月初二日起程赴津辦理海運起兌
一切事宜所有前經行飭該縣查照辦理過成案應備
用繩縫連席片大小竹籌裝樣米袋麻繩吊籬溜米
席筒以及堆貯官袋斛隻房屋

欽差倉場暨本部辦公館舍此刻諒必均已備妥合再飭
知本部起程日期為此牌仰天津縣遵照可也須牌
等因到院蒙此遵查前奉行知本年海運江南蘇松

常鎮太四府一州漕白糧米共一百四萬六千三百五十五石零數與道光六年並二十八年海運米石相去無多應用一切什物等項悉應照依前次成案次第備辦當因席片一項零用較多卑縣素非產席之區必須分赴安州寧河武清靜海霸州文安大城等州縣在於各集鎮逐漸採買計本年海運漕白糧共一百零四萬六千二百五十餘石每官民剥船一隻裝米二百石計用剥船五千二百隻每剥船一隻用苫艙席二十領共用席十萬四千餘領內白糧剥船每隻較漕糧多用席十領又每剥船一隻用溜米席桶

一個每桶需席四領殘破隨時添補約用席二萬二千餘領若遇大雨時行漕白剝船所苦艙席片恐有滲漏仍照案詳請加添通共約計需用席十三四萬領現已照數購齊陸續運至水次備用又席桶一個需架木二根現已購備架木一萬根又置備大竹筴一千根小竹筴五萬根又裝米樣布袋上屆先僅酌備四千個迨起剝時屢蒙坐糧廳檄行添置不敷實多此次做照做備一萬二千個又備燈籠五千個號旂五千面沙船兌竣旂一千面挑旂木桿五千二百根又縫繩麻繩拉繩吊籬木斛等項均已查照舊章

分別買備置做如有不敷並此外需用者臨時添備不致遲誤並將堆貯官斛隻房屋以及探哨船隻驗米官棚官船經紀等役棚座船隻河沿碼頭亦俱按項雇備搭蓋修築完固除俟事竣另造清冊按款報銷外至

欽差倉場暨坐糧廳本省總局並南省委員辦公處所共計館舍七處或借用行館或用叅商蓋屋或租賃民房卑職均先經督飭工匠各按各所必須棲止辦公房間分別添補黏修現已一律修補整齊油飾鮮明至房間以內應用櫟椅等項亦均分別置辦齊全靜

候各院按臨除按處簽派書役小心看守外所有海
運事宜均已遵照分別辦理緣由擬合具文詳請查
覈轉請咨部立案等情到司據此本司覆查無異擬
合據情具文詳請查覈咨部等情到本閣督部堂據
此除咨江蘇巡撫外相應咨明為此合咨貴部請煩
查照施行須至咨者

咸豐二年四月初二日到

為詳咨事咸豐二年四月初二日准直隸總督訥爾
經額咨據布政使陳啟邁呈稱據天津縣詳蒙坐糧
廳牌開照得海運漕白糧石瞬抵天津茲辦理海運
起兌一切事宜所有前經行飭該縣查照辦過成案
應備用繩縫連席片大小竹籌裝樣米袋麻繩吊籬
溜米席筒以及堆貯官袋斛隻房屋

欽差倉場暨本部辦公館舍諒必俱已備妥合再飭知天
津縣遵照等因遵查前奉行知本年海運江南蘇松
常鎮太四府一州漕白糧米共一百四萬六千二百
五十五石零覈與道光六年並二十八年海運米石

相去無多應用一切什物等項悉應照依前次成案次第備辦當因席片一項零用較多卑縣素非產席之區必須分赴安州寧河武清靜海霸州文安大城等州縣在於各集鎮逐漸採買計本年海運漕白糧共一百零四萬六千二百五十餘石每官民剥船一隻裝米二百石計用剥船五千二百隻每剥船一隻用苫艙席二十領共用席十萬四千餘領內白糧剥船每隻較漕糧多用席十領又每剥船一隻用溜米席桶一箇每桶需席四領殘破隨時添補約用席二萬二千餘領若遇大雨時行漕白剥船所苫艙席片

恐有滲漏仍照案詳請加添通共約計需用席十三
四萬領現已照數購齊陸續運至水次備用又席榻
一箇需架木二根現已購備架木一萬根又置備大
竹筭一千根小竹筭五萬根又裝米樣布袋上屆先僅
酌備四千箇迨起剝時屢蒙坐糧廳檄行添置不敷
實多此次仿照做備一萬二千箇又備燈籠五千箇
號旂五千面沙船兌竣旂一千面挑旂木杆五千二
百根又縫繩麻繩拉繩吊籬木斛等項均已查照舊
章分別買備置做如有不敷並此外需用者臨時添
備不致遲誤並將堆貯官斛隻房屋以及探哨船

隻驗米官棚官船經紀等役棚座船隻河沿碼頭亦
俱按項雇備搭蓋修築完固除俟事竣另造清冊按
款報銷外至

欽差倉場暨坐糧廳本省總局並南省委員辦公處所共
計館舍七處或借用行館或用畚商舊屋或租賃民
房卑職均先經督飭工匠各按各所必須棲止辦公
房間分別添補粘修現已一律修補整齊油飾鮮明
至房間以內應用棹椅等項亦均分別置備齊全靜
候各院按臨除按處簽派書役小心看守外所有海
運事宜均已遵照分別辦理緣由擬合具文詳請查

覈轉請咨部立案等情本司覆查無異擬合據情具
文詳請查覈咨部等情除咨江蘇撫院外相應咨明
等因前來 查海運漕白糧石抵津起兌一切事

宜前據坐糧廳行飭天津縣查照辦過成案應備用
繩縫連席大小竹篋裝樣米袋麻繩吊籬溜米席筒
以及堆貯官袋斛隻房屋辦公館舍諒必備妥合再
飭知今據直隸總督咨稱該縣均已分別辦理並據
聲稱本年米石覈與道光六年二十八年海運米石
相去無多應用一切什物等項悉照依前次成案備
辦等語本部查道光六年海運漕白米一百六十餘

萬石道光二十八年海運漕白米一百八萬三千餘石
本年海運漕白米一百四萬六千餘石何以聲稱與
道光六年並二十八年相去無多再二十八年尚有
豫備截卸北倉鋪倉席片在內現屆米數既少亦並
未備辦截卸何以一切席片等項比二十八年反多
自應覈實刪減報部查覈再查上屆咨報業內並無
席桶架木號旂沙船兌竣挑旂木桿名目今屆因何
製造應咨直隸總督轉飭逐層分晰查明報部以憑
覈結其二十八年海運備辦席片等項據稱於事竣
覈實請銷迄今三載有餘未據造冊請銷殊屬遲延

應咨該督卽飭查明二十八年實在用過席片等項
價銀若干某項銀若干務於文到日卽將用過席片
等項據實造冊報銷毋得浮冒係動用何項銀兩照
何例開銷之處並因何延擱不行報銷一併隨案聲
明以憑覈辦並將道光六年咨請備辦席片等項原
案抄錄送部備查暨知照驗米大臣總督倉場可也
咸豐二年四月初九日咨

欽差

戶部正堂孫
倉場侍郎鑾

為咨行事查沙船急公應募航海而

來自應遵照歷屆奏明成案隨驗隨卸以便及早回
空現在豐工漫口未能合龍業經節逾芒種而南糧
一船尚未渡黃刻下一粒不能抵通幸賴蘇松等五
府州屬漕白糧米海運抵津稍資補救江南原在沙
船之時自必以海運成案每日起米四萬石隨驗隨收
等章程大張曉示以廣招徠茲幸風帆順利蜂擁抵
津若不遵照奏案實踐成言俾得交卸公事復安舊
業失信於民何以謀

國現在由壩回空剝船每日不過百隻及數十隻不等

以致所驗之米積有十七八萬之多每日縱將由壩
回津剝船隨到隨挂儘數裝滿亦不能敷每日起米
四萬石之數沙船耆民人等紛紛攔輿呈控環跪乞
命本部堂若任聽哀懇漢無所動夫豈人情查官剝
船隻湖南應造三百五十隻未經解到江西應造剝
船除解到外尚有未到船三百隻之多現據海運總局
呈報調津官剝一千七百九十五隻雇到民船六百
零二隻前項船隻早經用竣現已劄飭再行添雇并
經飛咨兩江總督山東江西巡撫檄行沿河州縣嚴
催湖南江西所造剝船星夜赴津惟此項剝船未據

報明行抵何處恐屬鞭長莫及即天津雇募只有嚴
飭儘數全雇若合用之船已經雇盡亦難責以必行
惟有通壩按照定例起卸米石則前項二千數百隻
官民剝船自足以資周轉查戶部則例漕員職掌門
內載坐糧廳專管北河催趲空重漕船挑挖淤淺又
漕運全書內載每日例應起米三萬石飭令坐糧廳
每日自寅至戌趕緊兌收又海運全案內載每日僅
起米三萬四五千石必致稽遲應以四萬石為率本年
辦理海運該廳自當遵照定例先行挑挖淤淺其起
卸米石即不按照海運章程日起四萬石豈轉不能如

常年河運日以洪斛三萬石為率現在日晷甚長竟致不遵定例起緊起卸試問江廣船來每至深秋晝影苦短又將若何辦理相應移咨倉場部堂轉飭合亟剴飭該廳剴到即行振刷精神趨前趕辦能照海運章程日起四萬則每日回津當有二百四五十船即或不能亦必照常年河運定例日起洪斛三萬石以平斛計之合米三萬七千五百石每日壩上亦當有剴船一百七十八隻回空該廳此次剴到若再不遵定例按數起卸則是有意掣肘海運使此六十六萬銀兩不得再供

國用本部堂惟有遵例辦理未便任其顯違定例毋謂言之不早也切切又本部堂以剝船裝載南糧運通交卸即須折回天津輪轉剝運與東糧運船卸空歸次本年無須再運者不同即經移咨駐通倉場部堂將剝船趕前驗卸俾得星夜回津輪運以資周轉並經奏明移咨倉場部堂遵照在案又由部咨行即飭坐糧廳速將海運起剝船隻隨到隨驗趕緊起卸不准片刻停留俾得星夜回津以資周轉如東豫漕糧同時并到亦必須先儘剝船驗卸以免

欽差在津有停收待剝之慮倘有貽誤即行據實參辦等

因亦在案現在是否遵照辦理希即移咨即飭詳報
行轅查核毋遲并知照本部查照可也

咸豐二年四月二十日到

為再行咨查事咸豐二年四月二十日准

欽差大臣咨前經本部咨行海運起剝船隻隨到隨驗趕
緊起卸不准片刻停留俾得星夜回津以資周轉如
東豫漕糧同時並到亦必須先儘剝船驗卸以免
欽差在津有停收待剝之慮倘有貽誤即行據實叅辦等
因在案現在是否遵照辦理並查照

欽差大臣原咨內稱每日應遵照海運章程起米四萬石
不得按照河運定例所起之數辦理如不遵辦即將
經管之員據實嚴叅應咨倉場務於文到日迅即一
併分晰查明徑行咨報驗米大臣查照并知照本部

查核可也

咸豐二年四月二十三日咨

總督倉場為咨詢事照得上年江蘇白糧海運經本部以內倉向無辦過海運成案本倉場遂將河運之嘉湖二白幫派給內倉嗣據浙江糧道以丁情苦累請咨當經咨准

本部覆稱嗣後薊易及派撥內倉白糧無論河運海運仍令循照舊章五府輪派等語查本年自應輪派蘇松等府今海運白糧業經抵通應否派給內倉及派給若干石之處相應移咨

本部查照望速見覆以便飭遵可也

咸豐二年四月十七日到

為咨詢事咸豐二年四月十七日准總督倉場咨上年江蘇白糧海運經本部以內倉向無辦過海運成案本倉場遂將河運之嘉湖二白幫派給內倉嗣據浙江糧道以丁情苦累請咨當經咨准部覆嗣後薊易及派撥內倉白糧無論河運海運仍令循照舊章五府輪派等語查本年自應輪派蘇松等府今海運白糧業經抵通應否派給內倉及派給若干石之處相應移咨本部查照見覆飭遵等因前來 查撥運薊易並內倉白糧前據倉場咨報應撥前項米石先經奏定派蘇松常嘉湖五府輪流截撥嗣因江蘇

白糧海運應派內倉以歷年皆歸河運其海運白糧
向無辨過仍派河運之嘉湖運交內倉丁情苦累請
嗣後無論河運海運悉循舊章五府輪派經本部查
係實在情形准如所請辦理咨覆倉場在案今據倉
場咨稱本年應運內倉白糧輪派蘇松等府今海運
白糧業已抵通應否派給內倉及若干石之處咨部
示覆等語查本年應運內倉白糧既據倉場查明輪
派蘇松等府自應遵照本部前咨在於抵通海運白
糧內派撥內倉至派撥各倉米數向由倉場覈定咨
報今海運白糧係蘇松常三府本年應輪派內倉係

某府白糧及派給若干石之處應仍咨倉場即飭分
晰查明報部以憑查覈可也

咸豐二年四月二十六日咨

欽差戶部正堂孫
倉場侍郎寶慶

為咨行事據清河道譚廷襄天津道

張起鵬詳稱蒙劄開查沙船張義和等稟稱該商等
到次或已旬餘或逾半月大半尚未挂剝間有挂剝
之船日斛無幾環求速飭多發剝船趕緊起卸等情
相應將原稟劄交直隸總局多發剝船如壩上起卸
遲延不敷周轉仍宜廣為雇募以資應用并劄坐糧
廳每日無論所挂剝船若干務飭經紀儘數斛收等
因蒙此查道光六年海運漕糧一百六十三萬三千
餘石調用官剝船一千五百隻雇民剝船五百隻
共備船二千隻二十八年海運漕糧一百零九萬六

千餘石調用官剝船一千九百隻雇用民剝船六百隻共備船二千五百隻本年海運正耗漕糧一百零六萬二千餘石調共官剝船一千七百九十五隻內除豫東糧船起剝用船一百二十五隻實存船一千六百七十隻又雇用民船七百三十隻共備船二千四百隻是未數少於道光六年及二十八年而船數則較二十八年少一百隻較道光六年尚多四百隻乃輪轉發剝截止本月十六日十二運前起止共發過官剝船一千八百六十三隻民剝船六百八十五隻已挂剝未裝足官剝船二百二十七隻民剝船八

十九隻水次存官剝船二百零一隻民剝船七隻共計官剝船二千二百九十一隻民剝船七百八十一隻內除原調官剝一千六百零七隻原雇民船七百三十隻外計通壩僅回空官剝船六百二十一隻民剝船五十一隻其餘或到壩停候驗卸或在途行走統計十七起佔船實屬不少推原其故總因豫東幫船同時抵壩河運海運相間驗卸以致剝船不能迅速騰空昨據第七運前起押運委員沈叙時稟報於本月十二日運抵通州劉各莊以南之閏家場地方與前起剝船銜尾相接計算日期須至二十一日方能

輪驗即係不克迅速之明証茲奉憲劄自應遵照辦理惟民剝船雇至七百餘隻較上兩屆多一二百餘隻不等近地實已搜羅殆盡若達方雇募又恐緩不濟急且差役四處封船查察難周尤難保無流弊况通壩前積後壓不能敷原定十五日回轉之限停待愈久占擱愈多而民船視官運為畏途雇募艱難即使竭力籌備所添無幾仍復不能應急辦理實屬掣肘除飭天津縣再行設法雇募民剝船隻聽候剝用并移咨道壩坐糧廳設法籌辦外擬合詳明憲臺移咨倉憲朱 檄行通壩坐糧廳督飭經紀設法籌辦俾

剝船迅速回空輪運後起漕糧免致貽誤等因前來
查本月初四日本部堂以剝船裝載南糧運通交卸
即須回津轉剝與東糧軍船卸空歸次本年無須再
運者不同咨行轉飭將剝船趕前驗卸俾得星夜回
津以資周轉等因奏明移咨在案又於十六日咨覆
文內聲明剝船積壓守候多時必致不敷輪轉所裝
米石久經封釘或將一色好米薰蒸霉變在在堪虞
咨令設法趕辦又於十七日據沙船人等攔輿呈控
即經詳叙例案咨令隨驗隨卸并聲明由部咨行令
將海運剝船隨到隨驗不准片刻停留如東糧同時

並到亦須先儘剝船驗收以免在津停收待剝之虞
等因亦在案今據直隸總局以通壩前積後壓占攔
愈多詳請移咨籌辦查官民剝船共有二千數百隻
之多如果趕緊驗收回空輪運何致不敷周轉現在
通壩每日僅起米萬餘石并有停驗日期以致剝船
沿河停泊待驗積壓至二十餘里之遙無論轉運不
敷在津辦理十分掣肘即此數十萬漕白糧米封釘
在小艙之中鬱積數十日之久際此炎熱天時或將
一色好米薰蒸霉變意外之虞咨將誰屬本部堂思
慮及此寢食為之不安通壩承辦各員何竟慮不到此

且以今年河海兩運漕糧三百餘萬石計之若如所稱通壩現在每日僅起米萬餘石覈算必將起至十個月之久加以脫幫及大雨時行日期應行計除則此三百餘萬石勢必年餘方可起竣萬一幸有全漕四百餘萬計非年半不能起一年之漕試問該廳有此情理否應再飛咨總督倉場即飭該廳趕前起卸以速補運東糧在在軍船尚可諭令開艙風瞭海運剝船封釘堅固無從風瞭斷難再行積壓致有疎虞務令先儘剝船驗卸按照常年河運每日以洪斛三萬石為率不但剝船藉資周轉在津可無停收待剝

辦即將經管之員據實嚴叅又經本部移咨倉場遵照
欽差大臣原咨迅即分晰查明徑行咨報彙辦並咨報本
部查覈各在案今海運米石如果遵照本部前咨每
日起米四萬石剝船隨到隨驗如果東豫漕船同時
並到先儘剝船驗卸斷無不敷周轉致有停收待剝
之虞乃該廳因何不行遵辦以致剝船停泊河干誠如
欽差大臣所咨際此炎熱天時設將好米蒸變該廳所司
何事厥咎奚辭相應移咨倉場剝行坐糧廳查照驗
米大臣及本部行催各原咨迅即趕前起卸以速補
運儻承辦各員不即照章辦理并胥役人等有意留

為咨行事咸豐二年四月二十三日准

欽差大臣咨海運起剝米石通壩每日僅起米萬餘石并有停驗日期以致剝船前積後壓占擱愈多不敷轉運在津辦理十分掣肘行令生糧廳趕前起卸以速補運等因前來查海運剝船前經本部移咨倉場轉飭隨到隨驗不准片刻停留以資周轉如東豫漕糧同時並到亦必須先儘剝船驗卸以免停收待剝儻有貽誤即行據實參辦在案嗣准

欽差大臣咨以通壩驗收海運米石應遵照海運章程每日起米四萬石不得照河運所起之數辦理如不遵

之虞且使南糧及早驗收在通度免米質受傷之慮
至河道有無淤淺理應先事挑挖口袋十八萬條無
慮不敷輪轉刻下天氣晴霽日晷正長均未便任其
藉詞延擱希即通飭橋倉各員一體遵照迅速轉運
倘承辦各該員不即照章辦理或胥役人等有意留
難致滋阻滯立即分別叅究以速運行而免貽誤再
通壩起卸海運糧米現派何員會同坐糧廳辦理希
即移咨行轅查照萬勿刻遲除咨行駐通倉場外相
應移咨本部查照可也

咸豐二年四月二十三日

難再致停收待剝立即分別嚴叅懲處仍將因何每
日所起米僅萬餘石之處詳晰查明報部並按照
欽差大臣指飭各情形迅即逐一分晰徑行咨報驗米大
臣覈辦並知照本部查覈萬勿再延致干查議可也

咸豐二年四月二十六日咨

直隸總督訥爾經額為咨明飭遵事據清河道諱廷
襄天津道張起鵠會呈稱咸豐二年三月二十日蒙
戶部劄開為詳覆事雲南司案呈准直隸總督訥爾
經額咨據布政使陳啟邁清河道諱廷襄天津道張
起鵠會呈稱蒙准部咨直隸總督片奏派委道員駐
津會辦海運緣由一摺內稱南糧海運曾有奏定章
程上屆即係循照舊章並無應行變通之處等語查
本屆海運江蘇督撫酌定辦理章程摺內奏稱上屆
剝船食米係發給折色經紀耗米係收買沙船餘米
本屆海運應請備帶本色等語經本部議准並聲明

上
卷
二
一
剝船經紀如有分賠之案經紀項下例在於耗米內
計除其剝船項下作何辦理之處應令直隸總督詳
囑詳查妥議務使米歸有著不准顆粒延欠等因奏
准並行知在案現尚未據該督將剝船項下若有應
賠米石如何詳查妥議俾歸有著之處詳細報部相
應飛咨直隸總督迅將剝船項下妥議章程報部查
覈以便移咨

欽差驗米大臣查照辦理等因咨行到職道天津道移會
到本司布政使職道清河道蒙此遵查本年戶部議覆
江省具奏蘇松等屬漕白糧米全由海運酌定章

程原摺內載此次漕糧抵津仍照舊章由驗米大臣
會同倉場坐糧廳直隸江蘇各委員眼同查驗明確
如係好米即由坐糧廳取具該經紀米色乾潔米數
無虧切結督令斛收由經紀自派親信安人押運交
倉如剝船在路有偷漏撓和等弊立即稟知押運員
弁拏交州縣責令剝船賠補治以應得之罪如經紀索
費不遂故縱使水偷漏然後稟明洩忿及通同作弊
分肥隱匿不稟經押運委員查出或別經發覺應責
令經紀剝船分成賠補并各治以應得之罪等語是
剝船偷漏撓和經紀查出稟明員弁則罪在剝船如

經紀索費不遂故縱使水偷漏然後稟明洩忿及通
同作弊分肥隱匿不稟經押運員弁查出或別經發
覺則罪在經紀兼在剝船界限清晰遇有分賠之案
經紀剝船不容稍有諉卸至於米因盤量折耗經紀
剝船均無弊竇應行作何辦理之處雖未議及而溯
查道光六年戶部議覆前督院那 等議剝運事
宜內載漕米落艙起岸折耗在所不免剝船戶並無
弊混該經紀人役不得藉詞勒指又議覆前倉場總
督百 議奏起卸章程內載向年北倉截卸漕糧
每米一石給耗米一升海運漕糧或對船起卸或過斛

撥抗折耗較多准於每石一升之外酌添耗米五合
白糧每石准給耗米一升八合各等語蓋由津運通
較北倉稍遠是以增給耗米藉資彌補此次海運江省
議奏剝船經紀食耗等米備帶本色一條亦稱經紀
耗米係備赴通折耗之需是折耗有米可補無虞短
紂第剝船戶人等無弊不作若不明定章程必致藉
口折耗以掩其偷漏之弊本司道會同悉心彙議擬
請此次海運漕白糧米由津赴通如甯因對船起卸
過斛撥抗致有折耗剝船戶並無弊混漕白糧米每
石所短之米未逾一升五合及一升八合之數即在

經紀耗米內扣抵倘漕米每石短米在一升五合以上白糧每石短米在一升八合以上除應得耗米扣抵之外下短米石應即遵照部議如係剝船偷漏攪和經紀查出稟明押運員弁則責令剝船賠補並治以應得之罪如經紀索費不遂故縱使水偷漏然後稟明洩忿及通同作弊分肥隱匿不稟經押運委員查出或別經發覺則責令經紀剝船各半分賠並各治以應得之罪經紀剝船分賠之米分別著追交倉不許顆粒延欠抑本司道更有請者剝船戶類皆無業貧民與其追賠於事後致費周章不若慎重於

事前期有把握二十八年海運案內剝船分賠短米將船戶遞回天津懲處者均照數在於船戶名下追繳其發交通州及解送刑部治罪之船戶均因無憑追繳由直隸海運總局賠補伏查剝船戶於應得剝價之外每百石另給本色食米一石一斗五升較有盈餘應請將船戶所得食米於剝船內另艙存放抵通之後正米無虧准其將食米領用如有分賠米石即令該船戶以食米補交免致事後追繳為難若以食米補交之外仍有不敷即將剝船戶發回天津由職道等照例分別治罪並在於船戶名下追繳米石運通

交倉務期賠米有著正供無虧擬合詳請查覈咨部
覈覆等情相應咨明等因前來查江蘇咸豐二年海
運漕白糧來前據直隸總督附奏派委道員駐津會
辦摺內聲稱南糧海運曾有奏定章程上屆即係循
照舊章並無應行變通之處經本部以本屆海運江
蘇督撫酌定辦理章程摺內奏稱上屆剝船食米係
發給折色經紀耗米係收買沙船餘米本屆海運應
給備帶本色經本部議准並聲明剝船經紀如有分
賠之案經紀項下例在耗米內計除其剝船項下作
何辦理行令直隸總督諄飭詳查妥議章程報部覈

辦在案令據直隸總督咨稱此次海運漕白糧米由
津運通如實因對船起卸過斛搬抗致有折耗剝船
戶並無弊混漕白糧米每石所短米逾一升五合及
一升八合之數即在經紀耗米內扣抵倘漕白糧米
所短均逾應得之數除以應得耗米扣抵外下短米
石如係剝船偷漏經紀查出稟明押運員弁責令剝
船賠補如經紀索費不遂故縱使水偷漏然後稟明
淺忿或通同作弊分肥隱匿不稟經押運委員查出
或別經發覺責令經紀剝船各半分賠並各治以應
得之罪分賠之米分別著追交倉並請將剝船每百

石應得本色食米一石一斗五升於剝船內另艙存放抵通後正米無虧准其將食米領用如有分賠即令該船戶以食米補交如仍有不敷將剝船戶發回天津分別治罪著追運通交倉務期賠米有著正供無虧等語查海運漕白糧米由津運通剝船如有應賠之項既據該督妥議章程詳細報部應如所咨即飭該道等將剝船食米另艙存放俟抵通時正米無虧方准領用如有應賠米石即將食米補交若再不敷除發回該道照例治罪外仍將所虧米石由該道追交足數以重倉儲惟所稱剝船起卸漕白糧米每石

未逾一升五合及一升八合之數即在經紀耗米內
扣抵之處本部查耗米一項本係經紀領用留抵折
耗之需抵有盈餘留補掣欠上屆業已辦理在案至
剝船戶剝價之外本有食米一項今以剝船所虧短從
經紀應得之耗米內扣除若經紀有虧短又將何以
抵補所咨殊未允協且查厯屆海運並無經紀為剝
船代扣之案應仍咨該督即飭遵照上屆成案認真
辦理如剝船戶並無弊混該經紀人役不得藉詞勒指如
實有撓和偷漏等弊即遵照上屆分賠獨賠之案覈
實追補總期米歸有著正供無虧是為至要並飛創

清河道天津道可也等因蒙此遵查海運漕糧每石
耗米一升五合白糧每石耗米一升八合本係仿照
北倉截卸章程酌議增給以備由津赴通折耗之用
似難留補由通運京之掣欠且由津運通由通運京
均係該經紀承運承交運京之虧短既以耗米留補
運通之虧短轉不以耗米扣抵似亦未歸畫一惟掣
欠之米彌補無期現奉戶部以耗米係經紀領用抵
有盈餘留補掣欠所有剝船虧短行令遵照上屆分
賠獨賠之案覈實追補自應查覈追補章程分晰聲明以
杜謾卸而資遵守復查由津運通米石虧短原定獨

賠分賠章程界限本自明晰惟現將剝船食米飭令
另艙存放隨同正米運通以備扣抵若正米虧短概
將食米全行扣抵易滋牽混職道等悉心酌覈擬請
於剝船抵通後由坐糧廳先儘正米斛收正米無虧
即准剝船戶將食米領用如有虧短係經紀在途查
出剝船舞弊稟明押運員弁有案者應按照舊章責
令剝船獨船先儘所短數目以食米扣抵若經紀在
途並未查出剝船舞弊稟明押運員弁有案者到壩
始經發覺按照舊章責令經紀剝船各半分賠經紀分
賠之米在耗米內扣除剝船分賠之米在食米內抵

交抵騰之米仍給領用如不敷抵再行發回天津補
追如此分別辦理庶米歸有著正供可期無虧除

詳明

欽憲外擬合具文詳請查覈俯賜移咨

欽憲轉飭通壩坐糧廳查照遵辦實為公便等情到本閣

督部堂據此除分咨外相應咨明為此咨咨 貴部煩請

查照施行須至咨者

咸豐二年四月十八日到

為咨明事咸豐二年四月十八日准直隸總督訥 咨
據清河道譚廷襄天津道張起鵠會呈稱蒙部劄查
江蘇咸豐二年海運漕白糧米前據直隸總督附奏
派委道員駐津會辦摺內聲稱南糧海運曾有奏定
章程上屆即係循照舊章並無應行變通之處經本
部以本屆海運江蘇督撫酌定辦理章程摺內奏稱
上屆剝船食米係發給折色經紀耗米係收買沙船
餘米本屆海運應給備帶本色經本部議准並聲明
剝船經紀如有分賠之案經紀項下例在耗米內計
除其剝船項下作何辦理行令直隸總督詳飭詳查

妥議章程報部覈辦在案今據直隸總督咨稱此次海運漕白糧米由津運通如實因對船起卸過斛搬抗致有折耗剝船戶並無弊混漕白糧米每石所短米逾一升五合及一升八合之數即在經紀耗米內扣抵倘漕白糧米所短均逾應得之數除以應得耗米扣抵外下短米石如係剝船偷漏經紀查出稟明押運員弁責令剝船賠補如經紀索費不遂故縱使水偷漏然後稟明洩忿或通同作弊分肥隱匿不稟經押運委員查出或別經發覺責令經紀剝船各半分賠並各治以應得之罪分賠之米分別著追交倉

並請將剝船每百石應得本色食米一石一斗五升
於剝船內另艙存放抵通後正米無虧准其將食米
領用如有分賠即令該船戶以食米補交如仍有不
敷將剝船戶發回天津分別治罪著追運通交倉務
期賠米有著正供無虧等語查海運漕白糧米由津
運通剝船如有應賠之項既據該督妥議章程詳細
報部應如所咨即飭該道等將剝船食米另艙存放俟
抵通時正米無虧方准領用如有應賠米石即將食
米補交若再不敷除發回該道照例治罪外仍將所
虧米石由該道追交足數以重倉儲惟所稱剝船起

却漕白糧米每石未逾一升五合及一升八合之數
即在經紀耗米內扣抵之處本部查耗米一項本係
經紀領用留抵折耗之需抵有盈餘留補掣尺上屬
業已辦理在案至剝船戶剝價之外本有食米一項
今以剝船所虧短從經紀應得之耗米內扣除若經
紀有虧短又將何以抵補所咨殊未允協且查歷屆
海運並無經紀為剝船代扣之案應仍咨該督即飭
遵照上屆成案認真辦理如剝船戶並無弊混該經
紀人役不得藉詞勒指如實有撓和偷漏等弊即遵
照上屆分賠獨賠之案覈實追補總期米歸有著正

供無虧是為至要並飛劄清河道天津道等因遵查
海運漕糧每石耗米一升五合白糧每石耗米一升
八合本係仿照北倉截卸章程酌議增給以備由津
赴通折耗之用似難留補由通運京之掣欠且由津
運通由通運京均係該經紀承運承交運京之虧短
既以耗米留補運通之虧短轉不以耗米扣抵似亦
未歸盡一惟掣欠之米彌補無期現奉戶部以耗米
係經紀領用抵有盈餘留補掣欠所有剝船虧短行
今遵照上屆分賠獨賠之案覈實追補自應查覈追
補章程分晰聲明查由津運通米石虧短原定分賠

獨賠章程界限本自明晰惟現將剝船食米飭令另
船存放隨同正米運通以備扣抵若正米虧短概將
食米全行扣抵易滋牽混職道等悉心酌覈擬請於
剝船抵通後由坐糧廳先儘正米斜收正米無虧即
准剝船戶將食米領用如有虧短經紀在途查出剝
船舞弊稟明押運員弁有案者應按照舊章責令剝
船獨賠先儘所短數目以食米扣抵若經紀在途並
未查出剝船舞弊稟明押運員弁有案者到壩始經
發覺按照舊章責令經紀剝船各半分賠經紀分賠
之米在耗米內抵除剝船分賠之米在食米內抵

交抵剩之米仍給領用如不敷抵再行發回天津補
追如此分別辦理庶米歸有著正供可期無虧擬合
詳請查覈移咨

欽憲轉飭通壩坐糧廳查照遵辦等情相應咨明等因前
來查江蘇咸豐二年海運漕白糧米由津運通
前據直隸總督咨報如剝船戶並無弊混漕白糧米
每石所短未逾一升五合及一升八合之數即在經
紀耗米內扣抵僮所短均逾應得之數除以應得耗
米扣抵外下短米石如係剝船偷漏經紀查出稟明
責令剝船賠補如經紀索費不遂故縱使水偷漏然

後稟明洩忿或通同作弊分肥隱匿不稟經押運委
員查出或別經發覺責令經紀剝船各半分賠並各
治以應得之罪分賠之米分別著追交倉並請將剝
船每百石應得本色食米一石一斗五升於剝船內
另贖存故抵通後正米無虧准其領用如有分賠即
令該船戶以食米補交如仍有不敷將剝船戶發回
分別治罪著追經本部以剝船食米既據該督妥議
章程另贖存故俟抵通時正米無虧方准領用如有
應賠即將食米補交若再不敷除發回該道照例治
罪外仍將所虧米石由該道追交足數惟所稱剝船

起卸漕白糧米每石未逾一升五合及一升八合之數即在經紀耗米內扣抵之處查耗米一項本係經紀領用留抵折耗之需抵有盈餘留補掣欠上屆業經辦理有案剝船戶本有食米一項如有虧短在於經紀應得之耗米內扣除若經紀亦有虧短又將何以抵補所容殊未允協且查歷屆海運並無經紀為剝船代扣之案行今遵照上屆分賠獨賠之案覈實追補在案今據該督咨稱前項海運耗米以備由津赴通折耗似難留抵掣欠運京之虧短既以耗米留補運通之虧短轉不以耗米扣抵似未盡一擬請剝

船抵通如有虧短係經紀在途查出剝船舞弊稟明
押運員弁有案者應按照舊章責令剝船獨賠先儘
食米扣抵若經紀在途並未查出剝船舞弊稟明押
運員弁有案者到壩始經發覺按照舊章責令經紀
剝船各半分賠經紀分賠之米在耗米內抵除剝船
分賠之米在食米內抵交如有不敷再行發回天津
補追等語查海運耗米原備運通虧短經紀如有應
賠即在耗米內扣抵抵足之外尚有盈餘再行留抵
掣欠上屆即係如此辦理原以剝米運通不必一定
虧短留經紀之耗米以備賠補所以責成經紀嚴防

船戶之偷漏並非將耗米先儘留抵掣欠也。若准令船戶預先按耗米數目扣除誰肯不扣除者是不待偷漏業已虧短矣。該道並不詳譯部文率以運通之虧短轉不以耗米扣抵似未畫一為詞殊未喻本部前咨深意至所稱剝船運通如有虧短係經紀在途查出剝船舞弊稟明有案者應按照舊章責令剝船獨賠先儘所短數目以食米扣抵若經紀在途並未查出剝船舞弊稟明押運員并有案者到壩始經發覺按照舊章責令經紀剝船各半分賠經紀分賠之米在耗內抵除剝船分賠之米在食米內抵交抵剩

之米仍給領用如不敷抵再行發回天津補追之處
既據該督分晰聲明應如所咨辦理儻有前項情事
應劄行天津清河二道認真覈辦總於沙船卸米未
經竣事以前嚴飭全行搭運不准顆粒短少是為至
要並知照驗米大臣總督倉場查照可也

咸豐二年四月二十八日咨

戶部總督倉場慶 為移咨事據坐糧廳呈稱竊照

本年海運漕白糧石經職廳帶同書吏經紀人等赴
津兌運除經紀人等有應領款項外所有書吏辦理稿
案文件一應書手人等飯食紙張需用浩繁職廳詳
加體察勢難令其枵腹從事查道光二十七年職廳
衙門東庫書吏承辦收買商米事務每米一石給該
吏飯銀一釐八毫以作紙張飯食辦公之用歸於茶
果項下報銷今該吏等隨同赴津專辦海運實無辦
公之項且辦理海運較辦理商米事務更繁可否援
照前案辦理給予飯銀一釐八毫之處請祈堂臺咨

明戶部實為公便等情當經本倉場飭查道光二十八年海運該吏等因何並未辦理之處仰即詳細查明呈覆以憑覈辦在案今復據該廳呈稱職廳遵即詳查據該吏稟稱竊因道光二十八年蒙前任奎大老爺帶赴天津出差辦理海運起兌一切事宜吏等竭力辦公所有用度浩繁賠累難堪於差務甫經告竣之時奎大老爺業經任滿是以未能懇恩俯卹賞給辦公之資所有賠累一切實係力不能支至今猶未能歸楚竊思本年吏等辦理海運所有紙張膏伙房租稿案薪水修金一切用度浩繁實在無力墊辦若

累情形久邀洞鑒合無仰懇恩施援照二十七年辦理商朱之案賞給飯銀以資辦公謹將二十八年未請俯給辦公銀兩緣由理合稟明職廳詳細查覈係屬實在情形理合據情呈覆鑒覈恩准施行等情前來查該廳所詳該吏等辦公賠累委係實在情形相應據情移咨

本部查照辦理仍祈見覆以便飭知遵辦望速施行
咸豐二年六月初二日到

為移咨事咸豐二年六月初二日准總督倉場慶 咨
據坐糧廳呈稱竊照本年海運漕白糧石經職廳帶
同書吏經紀人等赴津兌運除經紀人等有應領款
項外所有書吏辦理稿案文件一應書手人等飯食
紙張需用浩繁職廳詳加體察勢難令其枵腹從事
查道光二十七年職廳衙門東庫書吏承辦收買商米事
務每米一石給該吏飯銀一厘八毫以作紙張飯食
辦公之用歸於茶果項下報銷今該吏等隨同赴津專
辦海運實無辦公之項且辦理海運較辦理商米事
務更繁可否援照前案辦理給予飯銀一厘八毫之

處請祈咨部等情當經本倉場飭查道光二十八年
海運該吏等因何並未辦理之處仰即詳細查明呈
覆以憑覈辦在案今復據該廳呈稱職廳遵即詳查
據該吏稟稱道光二十八年蒙前任奎帶赴天津辦
理海運起兌一切事宜吏等竭力辦公所有用度浩
繁賠累難堪於差務告竣業經任滿是以未能懇恩
俯卹賞給辦公之資所有賠累一切實係力不能支
至今猶未能歸楚本年辦理海運一切用度浩繁實
在無力墊辦合無仰懇恩施援照二十七年辦理商米
之案賞給飯銀以資辦公理合稟明職廳詳細查核

係屬實在情形理合據情呈覆鑒覈恩准施行等情
查該廳所詳該吏等辦公賠累委係實在情形相應
據情咨部查照辦理仍祈見覆遵辦等因前來 查
道光二十八年海運案內一切支用銀款仿照道光
六年成案辦理並無坐糧廳隨帶赴津書吏每石飯
食銀一厘八毫一項開銷本屆成豐二年海運前經
奏明按照舊章辦理所有支用各款自應查照上兩
屆成案覈辦今據倉場請照收買商米之案每石給
坐糧廳隨帶書吏飯食銀一厘八毫本部查本年海
運米石係屬蘇松等五府州屬正漕即在常年河運

漕糧數內與收買商米在漕糧之外者情事不同檢
查上兩屆成案均未據倉場請過坐糧廳隨帶書吏
飯食銀兩所有倉場請照收買商米之案每石給坐
糧廳隨帶赴津書吏飯食銀一厘八毫之處本部覈
與歷辦海運正漕成案不符礙難覈准應咨倉場轉
飭坐糧廳遵照成案辦理不得以海運正漕牽混收
運商米之案率請例外開銷以重經費而昭覈實可也

咸豐二年六月二十五日咨